

چیزدک محاکم

۱۲۹۰

جمعه ايرتسی

نومرو	ذی القعدة	سنه	حزيران	سنه	صفحه
۵۵۱	۴	۱۳۰۷	۹	۱۳۰۶	۷۰۳۵

(اشبو غزته بهر هفته جمعه ايرتسی کونلری چيقار . سنه لکی درسعات ایچون مجیدیه یکریمی غروش ،)
(حساییله التمش غروشدر . طشره لر ایچون اون بش غروش پوسته اجرتی ضم اولنور . بهر)
(نسخه سی ینه مجیدیه یکریمی غروش اولق اوزره یوز باره یه هر برده ساتیلور . درج اولنه جوق)
(اعلانانک هر برندن بر مجیدیه اخذ اولنور . سنه لکنه مشتری اولق استیانلر عدلیه نظارڈ ،)
(دائره سنده کاشن جریده محاکم اداره سنه مراجعت ایلملیدر)

قسم غیر رسمی

(قلب مجیدی اعمال ایتدکاری اداسیله مظنون)
(علیهم اولان طربزونلی حکاک شا کر وراشد)
(وحسنی ورضانک محاکمه علنیه لری)
(ضبطنامه سی صورتندن مابعد)

مضبوطه مذکورہ نك مالی مظنون علیہم
شا کر وراشد وحسنی ورضانک قلب مجیدی
وچاریک وقرقلق اعمال ایلدکاری حقنہ اوراق

قسم رسمی

توجیہات

سیواس ولایتی بدایت محکمه سی جزا دائره سی
ریاستی نیکده سنجاعی بدایت محکمه سی جزا
دائره سی رئیس احمد شوقی افندی به تفویض
بیورلشدر .

تحقیقه اخبارات و دلائل موجود و حرکات
واقعہ لری قانون جزائک یوز قرق او چنجی ماده سی
حکمنی مستلزم افعال جنایتہ دن معدود بولمش
اولدیغندن مرقومونک محکمہ جنایتہ محاکمہ لری
اجرا اولمق اوزره جنایتله اتهاملر نہ بونلردن
راشد و حسنی و رضائک مخبر صفتنی حائز بولندقلری
جهتله قانون مذکورک یوز قرق بدنجی ماده سی
منطوقجه جزادن معاف ط-وتلری لازم کلور
ایسه ده بوجهتک تقدیری محکمہ به عائد ایدوکنه
قرار و برسدیکنی و اتهامنامهک مفادی دخی
مرقومونک مضبوطه مذکورہ مزایای و جهله
منهم بولندقلر بنی بیان و ابضاحدن عبارتدر .

قانون مزبورک ایکبوز التمش نتیجی ماده سنه
تطبقاً اتهامنامهک خلاصه سی جانب ریاستدن
منهمون مرقومونه تفهیم و معاون مومی الیه
طرفندن دخی مرقومونک مابه الاناملری اولان
احوال تفصیل و تشریح فلندقدن صکره مرقومون
سو یلندبرلدکده بونلردن شاگر بر صالی کونی
اقشام اوزری قرنداشی راشدی یکی جامعه کلوب
زوجه سنک کیفمنزلکنندن ناشی یارین همه حال
خانه سنه کسنی تنبیه ایتمکله کندوسیده ارقسی
چهارشنبه کونی راشدک خانه سنه کیدوب و

МАШИНА РАКОНА

برورقه اعطا ایتمکله مذکور ورقهک قرائت
ایتدیریلجهکی کبی شفاهاً دخی سویتسی تکلیف
اولندقدن برادری شاگرک افاده سی ط-وغری
اولوب مرقوم کندوسنی طربزوندن بورابه
کتوردهرک درلو دسیسه لر ایله هر دائم منازعه
ومعارضه ایتدکلری جهتله ط-وتیلان پاره لری
حسنی و رضا ایله برلکده بالاعمال شاگرکی
ط-وتدیردقلرینی و بونده حقوق عمومیه به عائد
برشی اولدیغنی و بوندن مقصدلری دخی پولیسه
خبر و یروب برادری شاگری تحت توقیفه
الدیرق اولدیغنی و حسنی دخی متهم شاگر
خانه طوتوب و قلب اچمه اعمال ایتدیکندن کندو
لریده خبر و پردکلرینی بیان ایدرک اطوار
واقوالنده تردد و آثار جنت ارانه و رضا دخی
برکون شاگر و راشد دکانه کلوب شاگر
قلبرنلک ماده سی اچهرق موافقت ایدوب ایتمیه .
جکنی سوال و موافقت ایتدیکی حالده پاره
وبره جکنی تکلیف ایتمی اوزرینه دوشونمکله
باشلادیغنی و شاگر دخی دوشونده خبر و بر
دیهرک چیقوب کیتدکدن صکره کندوسی حسنی
وراشد ایله کیفیتی بالذاکره حاجی اولیا افندی
واسطه سیله ضبطیه ناظرینه اخبار کیفیت
ایلدکلرینی و ناظر مشار الیه دن الدقلری امر

اوزرینه اوج دفعه ده اون اوج لیرا برچاریک
بونام ایله حاجی اولیا افندی دن العرق ایشه
مباشرتدن اول کوروک و ادوات لازمه مبیایه
ایتمی ایچون منهم شاگره اعطا و مرقوم دخی
کوروک و ادوات لازمه بی اشتهرا ایدرک اوه
کتوردیکنی و برصالی کونی شاگر پاره یایوب
جبینه قوبمش اولدیغنی برادری راشدن ایشند .
یکنی و صالی کونی ضبطیه ناظرندن الدقلری
بیورلدی بی باب ضبطیه حریق مأموری پولیس
قومیسرلندن ضیا افندی به بالارانه چهارشنبه
کونی جله سی خانه ده اولدقلری حالده
باصمغه قرار و یرمش و فی الحقیقه چهارشنبه کونی
ساعت درنده شاگر اوه کلهرک قلب اچمه یاقمه
باشلادیغنی صره ده بر موجب قرار قهویه یاپیلان
اشارت اوزرینه پولیسر کلوب شاگری قالب
اعمال و کندولریده سیر ایدرلر ایکن در دست ایتمش
اولدقلرینی و شاگره و بردیکنی بیان ایلدیکی اون
اوج لیرا برچاریکی مؤخرأ باب ضبطیه دن
استدما ایدرک الدقلرینی بیان و راشد دخی قلب
اچمه یایدقلری خانه بی بورضا پولیس ضیا افندی
واسطه سیله ایجار و ایکی آلیق پشین اولهرق
ایکیوز غروش اعطا و کندوسی ساکن اولدیغنی
صالح پاشا محله سندن مذکور خانه به نقل ایدرک

برادری شاکر ایله بینلرنده اولان برودته مبنی
 رضا کندولرینی بوایشه تشویق و موافقت
 ایتدیروب کوروك و ادوات لازمهك النمش
 اولدیغنی واقشامدن مرقوم رضا قلایدن بر
 مجیدی و بر چاریك اعمال ایتش اولدیغنی افاده
 و رضا دخی کوروك و ادواتك شاکر طرفندن
 الندیغنی بیان ایلدیله دایره امانندن کتوردلش
 اولان اچهلر و کوروك و ادوات سااره کوریلوب
 مرقوموندن استیضاح اولندوقده بونلردن شاکر
 ادوات مذکوره میاننده بوانسان صغیر صاری
 پنج پارچه لری تلغرافخانه به مخصوص پولار
 اچون تلغرافخانه فابریقه لر مدیری رائف بك
 طرفندن ویرلدیکنی و سنه ده بر قاج بیک عدد
 قدر یا مقده اولدیغنی و رضا دخی غروشلقلر
 شاکرک جیبندن چقدیغنی و کوریلان ساعت
 دخی شاکرک اولوب مجیدیلری مرقومک یا بدیغنی
 و حسنی دخی کوروكی شاکر اصمارلیوب
 کندوسی الدیغنی و شا کرد لدی السؤال متهلردن
 حسنی برکون اقشام اوزری بدنده بر مجیدی
 اولدیغنی حالده کوروك اصمارلیه جفم برابر کیده لم
 دیملکه کندوسیده ذاتاً خانه سنه کیده چکی جهته له
 مرقومه برابر یمش اسکله سنه قدر کوب
 اوتوردیغنی و صکره مرقومک قاقوب کوروك

و برمدیکنی و مؤخرأ ایشه مطلع اولدوقده متهلردن
 راشده برادری شاکر اچون قرداشکله نه اچون
 بویله شی یابدك دیدیکنده سن بیلزسك خاش در
 دیمش و شا کره و بریلان پاره راشدك استداسی
 اوزرینه ضبطیه دائره سنندن النمش و کندوسی
 رضابه او نام ایله پاره و برمیوب بروجسه بالا
 پدرینك امریله کندی حسابنه اوله رق پاره
 و یرمش اولدیغنی مضبوط افاده سنه موافق
 اوله رق سو یلدی و قومیسر ضیا افندی دخی
 نظارت طرفندن و بریلان امر تحریری اوزرینه
 پولیس احمد و فوزی و محمد علی و کاظم افندیلری
 رفاقته الهرق شاکرک بولندیغنی خانه جوارنده
 مومی الیهمی صافلا دیغنی و پاروله موجنبجه
 قپوده کوردیکی کاف اشارتی اوزرینه مفتاح
 ایله قپوبی اچهرق یاننده کی مأمورلر ایله حولی به
 کیروب قپالی اولان اورتی قپوبی دخی ایتهرک
 اچغله مطبجه کوروكک ایشلمکده اولدیغنی
 حس ایله مطبع قپوسندن باقدیغنده شاکرک
 دستگاه باشنده ایشلیدیکنی و چامور بوغوردیغنی
 و حسینک کوروكی چکوب رضانک دخی انک
 یاننده اولدیغنی کوروب و رفیقلرینه دخی کوستروب
 قپودن اچرو بالدخول الری چامورلی اولدیغنی
 حالده شا کری در دست و اوزرینی تحری ایتدکلرنده

یکرمی عدد قلب مجیدی غروشلغی و بر ساعت
 ایله حکا کلکه مخصوص اکه و صاری برنجلر
 جیبندن ظهور ایتدیکنی و راف اوزرنده دخی
 سکر چاریك ایله برمجیدی و ایکی غروش بولدیقینی
 و اچرویه کیردکلرنده لیرا چاریکی یاغنی اچون
 بیاض معدندن بردانه دوکش اولوب صاریسنی
 دخی دوکه چکی او جاقده بولنان پوته اچینده
 اجزاسنی قیناسندن اگلاشلدیغنی و مذکور
 قلب اچهلر ایله سائر ادواتی الوب و فاتح
 مرکزینه کتوروب تکرار شاکرک اوزری
 تحری اولندوقده بر عدد غروشلق دهها ظهور
 ایتدیکی کی مرکزده دخی اقرار ایتدیکنی بیان
 ایلدی مومی الیه ضیا افندیك مضبوط افاده سنه
 لدی المراجعه شاکرک اقرارینه دایر بر صراحت
 اولدیغنی مثل مرقوم شاکرک دخی مرکزده
 اقراری سبق ایتدیکنه دایر مضبوط افاده
 و ژورنالرده دخی ابضاحات کوریلدی نه
 دیه چکی مرقوم شاکرک صورلدوقده ضیا
 افندیك یلان سو یلیوب خانه بی برلکده طوتمش
 و مخبرلر ایله متفق بولمش اولدیغنی و احمد افندی
 دخی قومیسر ضیا افندیك افاده سی و جهله
 مذکور خانه نك اچروسنه بالدخول مطبع قپوسنی
 اچدکلرنده متهلردن حسینک او جاق باشنده

اولدیغنی افاده والدی السؤال پولیسردن ضیا
 افندیدن ماعداسی مرقوم شاکرک مرکزده دخی
 انکار نهمت ایلدیکنی و کوروکی قالدسی نسیم
 دخی بر کون بوشاکر دکاتنه کلهرک درت
 مجیدی به برقیوچی کوروکی بازارلق ایدوب
 وایکی چاریک پی و یروب کیتدیکنی و اون اون
 بش کون صکره بو حسنی کلوب یتش غروش
 بالاعطا اصمارلنان کوروکی کونوردیکی اخبار
 وخام دخی پدیری نسیمک افادهسی کی بیان کیفیت
 ایتلیله نه دیه جکی شاکردن صورلدقه قلب
 غروشک کندیوسنک اوزرندن چیتمدیغنی وابتدا
 پولیسر خانه به کیر دکرنده قومیسر ضیا افندی
 بدنده ر بولور اولدیغنی حالده کندیوسنک اوزرینی
 معاینه ایدوب طیشارویه چیقدقلرندن صکره
 تکرار اوزرینی بالتخری بولدق دیمش ایسه لده
 کندیوسنه برشی کوسرمدکرینی وانجیق کندیوسنک
 اوزرندن ظه-ور ایدن اکه و پریج پارچه لری
 ایدوکنی و بهودی نسیم ایله خام کندیوسنی باب
 ضبطیه ده کوسرمدکری وقت بودکلدر بدکری
 حالده شمعی بودر دبلی اترشویق اولدیغنی کی
 کندیوسی قطعاً بونلرک دکانه کیتدیکنی ولدی
 السؤال جلب ایتدیرمش اولدیغنی مدافعه شووینک
 برادری راشد وحسنی ورضانک کندیوسنه

وراشدک دخی شاکر ایله برلکده برشی یابدقربی
 کورمش ایسه ده ارفده بولندیغنی جهته نه
 یابدیغنی اکلایه مدیغنی والری بولاشق بولندیغنی
 حالده حین در دستلرنده مرقوم شاکر بن یامپورم
 معلوماتم بو قدر بونلر یاپور ایدی دیدیکنی ولدی
 التخری اوزرنده یکریمی عدد قلب مجیدی غروشلیغنی
 ظهور ایدوب ضیا افندی به ویره رک بونش
 اولدقلمی کوروک وادوات ساثره پی دخی شاکر
 ایله فاتح مرکزینه کتوردکرینی و مرکزده دخی
 تکرار اوزرینی تخری ایتدکلرنده بر قلب غروش
 دها بولدقلمی و محمد علی و کاظم و فوزی افندیلر
 دخی ضیا واحد افندیلرک افادعلری وجهله
 حیدرده کاش شاکرک خانه سنه کیدرک مطبخده
 ایشلکده اولان شاکری الری بولاشیق اولدیغنی
 حالده در دست و اوزرینی تخری ایتدکلرنده
 ظهور ایدن قلب غروشلی و ساثر الات و ادواتی
 الوب کتوردکرینی وانجیق بونلردن محمد علی
 افندی شاکری در دستلرنده برشی سولدیکنی
 و فوزی افندی دخی شاکرک مذکور خانه ده
 حین در دستلرنده اوزرندن پاره چیقدیغنی کورماش
 ایسه ده ایشتمش و مؤخرأمر کزده مرقومک تکرار
 اوزری تخری اولندقه صساری پرنجلر واکه
 و بر قلب غروشلق جیبندن چیقدیغنی کورمش

خصوصتی اولدیغنی سولیه جکرینی افاده ایتکلله
 متهم مرقوم طرفندن مدت قانونیه سی طرفنده
 بااستدما جلبلری طلب ایدیلوب گلش اولان
 زوجیه سی کلزار و بالدیزی خدیجه خانم ایله
 مراد افا و شفیه خانم و تسبیحی سلیمان افندی
 و یکیشهرلی عادل بک و رفیق رجب افندی گلش
 اولدقلرندن بونلردن کلزار و خدیجه خانم بلا
 تحلیف و ماعداسی قانون مذکورک ایکوز التمش
 سکرنجی ماده سنه توفیقاً بعدالتحلیف منفرداً
 و-واجهت استماع اولندقلرنده بونلردن کلزار
 خام زوجی بولنان متهم شاکر بریسه ایله تزوج
 ایدرک کندیوسنی قائم برادری راشدک یانه براقش
 اولدیغندن برادر یله دائمضدیت اوزره بولندیغنی
 کی وقعه کوننک کیجه سی رضا وحسنی و راشد
 کیجه یاریسنه قدر اوتوروب قونش-دقلمی
 و ابرتمی کونی کیفسر اولدیغندن وقوعبولان
 دعوتی اوزرینه زوجی شاکر کلهرک برسیقاره
 ایچوب اشاغی به ایندیکنی وعقیبنده بو فلاکت
 باشنه کلدیکنی و خدیجه خانم دخی انشته سی
 شاکرک برادری راشد اوه کلهرک شاکری
 کورمک ایستسه ایله او بومقده اولدیغنی جوابینی
 و یردیکندن راشد برطاق اطاله لسان ایدرک
 چیقوب کیتدیکنی و مختار مراد افا دخی بر کیجه

ساعت درنده راشد خانه سنک قیوسنی چالمغله
 اشاغی به اینوب قیوی اچدیغنده برادرینک
 اوینه کیتدیکننده بالدیزی خدیجه خانم برادرینک
 اوینده اولدیغنی و چاغردیغنده او بودیغنی سولش
 اولدیغنی و بر مدت صکره بر کورلتی قیووب
 کیتدیکننده راشد بدن قاچپور بنم سایه مده بو
 خانه به صاحب اولدی دیدیکنی ایشتمدیکنی و شفیه
 خانم دخی بر کیجه ساعت درت بش راده لرنده
 قومشونک خانه سنده سن اوتانزمیسک بنم قیوی
 دکلیورسک دیندیکنی معقب مذکور خانه نک
 قیوسی اوکنده ط-ور مقده اولان بر آمده بنم
 یوزمدن بو اوه موفق اولدک دیدیکنی ایشتمدیکنی
 و بوجهت راشدندن لدی الاستیضاح شاکر یکی
 فاملیاسنک یاننده اوتوروب اسکی فاملیاسنی
 کندو یاننده اولدیغنی واسکی فاملیاسنی ارامدیغندن
 طولای باب مشیختیناهی به مراجعت ایتدیکننده
 فاملیاسنی حسنی افندیکنک یانه براقش اولدیغندن
 نیچون کندولرینی ارامپور دیهرک برادرینک
 خانه سنه کیتش ایدوکنی و شاکر دخی راشد
 کندیوسنی ضرب ایتک اوزره گلش اولدیغنی
 جهته طیشارویه چیقدیغنی سولدیبلر و تسبیحی
 سلیمان افندی دائماً ایشیه مشغول اولدیغندن
 هیچ برشیدن معلوماتی اولدیغنی و عادل بک دخی

کندوسی توقیفخانه ده موقوف ایکن قلیز نلک
 ماده سندن طولایی موقوف بولنان بو متهلردن
 بری چیلدبروب دیگرلر یه کفالتله صالحو برلش
 اوقلدن ناشی هیچ بز شی ایشتمدیکنی ورجب
 افندی دخی کندوسی موقوف ایکن بو متهلرک
 سبب موقوفیتلرینی سوؤالنده مخبرلک ایچون
 اولدیغنی سویلدکلرندن بر قاج کون صکره حسنیده
 جنت علامتی مشاهده اولغله بوراشدک کوردنی
 انسان فصل بولور بوایشی بز برادریمه غرضاً
 یایدی دیدیکنی ایشتمدیکنی بیان ایتملر یه تعمیق
 تدقیقات ضمنده متهم شا کرک اوزرندن ظهور
 ایکن صاری پرنجلرک تلغراف نظارت علیه سندن
 استعمال ایلمسینه و مقدا دار الشفایه کیرهش اولان
 متهلردن حسنیده اثر جنت اولوب اولدیغنی
 اکلاشلمی ایچون اجرای معاینه سنه قرار
 و بر بله رک طرفینه تفهیم واکمال محاکمه وقت
 آخره تعلیق قلمدی .
 بر موجب ضبط سابق پوسته و تلغراف
 نظارت علیه سنه یاز یلان تذکره ایله حسنینیک

مهرلر نیک بر جزوی اولوب مرقوم شا کرک
 حکاک اولسی مناسبته اشبو مهرلر تاریخ توقیفنه
 قدر کندوسنه حک ایتدیرلمکده اولدیغنی قاریقه لر
 مدیری رائف بک طرفندن افاده و تشرین ثانی
 عبارته سی محکوک بر عدیده ارا نه قلمدیغندن ذکر
 اولنان محکوک لوحه ینه اعاده اولغنی اوزره
 ارسال اولنان دیگر لوحه ایله معاً و مظهروفاً
 کوندرلدیکی بیاندن و راپورت مفادی دخی
 مرقوم حسنی افندی موقوف ایکن اظهار اثار
 جنت ایلدیکی اخبار ایلمسینه فی ۲۷ مارت
 سنه ۳۰۵ تاریخنده برای مشاهده بیمارخانه یه
 کوندرلدیکی و مؤخرأ تخلیه سیلی لازم کلدیکندن
 مشاهدات نتیجه سی بیمارخانه طیب اولکندن
 استعمال اولندوقده معاینات و مشاهداتندن جنتنه
 دائر بر نتیجه حاصل ایدیله ماش و او حالیه طشره ده
 قالسنده بر بآس کور یله ماش ایوکی طبابت
 مومی البه اذن اشعار قلمدیغنی اولبایده کی اورا قک
 تبعندن اکلاشلمدیغنی و مرقوم حسنی افندی
 بوکره دائره یه جلب ایدیله رک معاینه و استیجواب
 اولندوقده اثار جنتی حس اولنه مدیغنی افاده دن
 عبارتدر مذکور لوحه لر کورلدکن صکره بو
 باده تدقیق اولنه جق بشته جهت قلمدیغنی جانب
 ریاستدن بیان اولندوقده شا کرک و کبلی قصه بار
 افندی کچنکی محاکمه ده راشدک و برمش اولدیغنی
 استدعای قرائت اولدیغنی حاله حقیقت مسئله
 میدانه چیه جغنی افاده ایلمدیکندن ولدی المذاکره
 قرائتنده بآس کور یله مدیکندن مذکور استدعا
 اوقوتدیرلدی مالی برادری شا کر بر آفته ایله
 ازدواج ایدرک اسکی زوجه سنی و کندولرینی
 حال سفالنده بر اقمسندن طولایی بالدفعات نصیحت
 ایش ایسه ده حواله سمع اعتبار ایتموب حتی
 جرحه جسارت ایدیله جکی بیانیله کندوسنی
 پولسه تسلیم ایتدیکی کی اسکی زوجه سنک تطبیق
 ایچون دخی مقام مشیخته اولنان مراجعته بر
 نتیجه حاصل اوله میهرق ینه برادری شا کر
 اسکی حال و اطوارندن و از کچمدیکنی و مؤخرأ
 رضا افندی برادری شا کر ایله کیا کرک ایله
 جکرینی و باجناحلی حسنی افندی ایله برلکده
 بر خانه استیجار ایلمسینی و اجاره سنک کندی
 طرفندن و بر یله جکنی سویلمسینه قومیسر ضیا
 افندی معرفتیه حیدرده بر خانه استیجار اولنه رق
 و ایکی آیلغی دخی رضا افندی طرفندن پیشیناً
 و بر یله رک مذکور خانه یه نقل ایلمش و بوسره ده
 مرقوم رضا افندی حسنی افندی یه کوروک
 و چلیک و کوز طاشی کی بعض شیلر الیرمش
 ایسه ده برادری شا کر اصلا عملیاته یناشمدیغنی

کبی خانه به دخی کلامسی و رضا افندیك تنبیهله دعوت ایلدیکنده کندوسنی رد و تکدیر اتمسی اوزرینه رضا افندیك غرض و خصوصتی ارتوب و برادری شا کره برایش یایمق ایچون کندوسنی اغفال ایدوب شا کرک قلیرنک یایدیغنی حاجی اولیا افندی به و حاجی اولیا افندی دخی ضبطیه نظارتنه اخبار ایلدیگربنی و بعده رضا افندی برادری شا کرک پاره ایستدیکنی حاجی اولیا افندی به سویلیه رک اون بر ایرا الوب بینلرنده تقسیم و فقط برادری شا کرکی حرکات سفیهانه سندن طولایی تر پسه ایتک و حکومتنده عطیه و مأموریت المی مقصدیه دردست ایتدیرمک جهنزی تصور ایلدیکنی و حالبوکه برادری شا کر برچوق زمان یانلرینه اوغرامدیغندن رضا افندیك تنبیهله برصالی کونی شا کرک یانه کیدوب زوجه سنک خسته لکنندن بمثله خانه به دعوت و مرقوم دخی یارین صباح کله جکنی سو یلیوب عودت ایلدیکنده التمش پاره لک قلائی الهرق اوکیجه رضا افندی مسکوکات متداوله بی قومه باصوب و منقل کنارنده مجیدی و چاریک و غروشلق و بر ایرا چاریکی دوکوب حاضر ایلدیگربنی و فرداسی صباحلین قومیسر ضیا افندی بی بولهرق تعلیمات لازمه بی اعطا و خانه به عودتله مطبوعه اوجاغی

یاقدرق پوته ایچنه برآز چینی پارچه لری قویوب حاضر لدقندن صکره کندوسنک بدنده دخی مجیدی غروشلقلرندن برچقین بولندیغنی حالده ساعت بش راده لرنده برادری شا کر کلوب بوقاروده زوجه سیله برآز کورشدکن صکره اینوب کیدر ایکن مطبوعه چاغردقنلرنده کیروب رضا افندی بی کوروک باشنده کورنجه شاکر دیغنی و رضا افندی دخی رنک و برمه رک کورشدیکی صروده کندوسنی بدنده کی قلب غروشلق چیقینی شا کرک جیبینه قویدیغنده پولیسر کلوب دردست و اشایی موجوده بی دخی برابر الوب کوتوردکربنی یانندن عبارت اولدیغنی اکلاشلدی معاون مومی الیه دخی هر نه قدر راشد حضور محکمه ده تحویل لسان ایدیور ایسه ده دائرة استنطاقده کی افاده مضبوطه سنی تعلیل ایدوب ایتیه جکی محکمه نك تقدیرینه حاتم اولدیغنی و مع مافیله مرقوموندن شا کرک اوزرندن ظهور ایدن لوحدر تلغراف نظارتی طرفندن کندوسنه یایدیلمقده اولدیغنی بیان اولنوب حالبوکه بوده مرقومک قلب ایچه پایه بیلمکده اولان مهارته دلالت ایده جکنی و حسنیده ایسه آثار جنت اولدیغنی باراپورت یلدر ایدیکنی و بناء علیه مرقومون شا کر و راشد و حسنی و رضانک بالاتفاق قلب ایچه اعمالنه

اجتسار ایلدیگربنی اخبارات و دلائل و امارات ایله ثابت ایدوکنی بالیان مجرمتلرنک تحت قراره التسنی و وکیل قصبار افندی دخی شا کر و راشد قنداش و حسنی باجناح و اقربا اولدقنلرندن راشدک استمداسنده بیان اولندیغنی کبی بونلرک بینلرنده منافرت عظیمه اولسه یکدیگرینه بویله برجنابتی افترا و اسناد ایده میه جگاری بدیهی بولندیغنی و علی الخصوص موکلی شا کر علیه نه بوفعلی ترتیب ایلدیگربنی خانه نك رضا طرفندن استیجار اولنمسیله اکلاشیه جغنی و وانی زاده طرز و نلی علی طرفندن کوندر یلوب موکلی شا کرک یکنکی محاکمه ده اعطا ایلدیکی مکتوبده ایسه رضانک موکلی شا کره لغرض افترا ایتدیگربنی مرقوم علی به دخی سونلش اولدیغنی محرر ایدوکنندن مرقوم علی محکمه به جلب اولندیغنی حالده بونکله ده ایشک حقیقی میدانه چیه جغنی و میدانده اولان قلب مسکوکاتی فرض محال اوله رق موکلی شا کر دوکش اولسه بیله بونده قلیرنک اولیوب دوکه جیلکدن عبارت اولدیغنی و چونکه دوکیلان مسکوکات یالدریز قبول ایتز قلایدن معمول اولمغله بوکا چوجوق او بونجانی تعبیر اولنوب حتی بویله او بونجوق قیلندن قلب ایرالرک اوغلانده دکانلرده علناً

صانلدیغندن اکر مذکور مسکوکات ضربخانه به لاجل المعاینه کوندر لسه او بونجوق قیلندن اولوب تداوله غیر صالح اولدیغنی جوایی و بریله جکنی و مع مافیله مذکور قلب مسکوکاتی اوکیجه مرقوموندن رضا راشد و حسنی ایله برلنکده استیجار ایلدیگربنی خانه ده کیجه یاریسنه قدر اوغراشوب منقل کنارنده دوکدکلرندن صکره جله سی برلنکده شهزاده باشنده خفاف مغردیچک دکانه کله رک یاتمش و بوفعلک ترتیبات و تصنیعاتدن ایلروکش اولدیغنی مرقوم مغردیچ جلب و استماع اولندیغنی حالده دخی اکلاشیه جغنی و معاون مومی الیه دخی مغردیچ ایله وانی زاده علینک جلب و استماعلرینی طلب تحقیقات صرهمسنده جائز اوله بیله جکنی و وکیل قصبار افندی دخی مقام ریاستک ختام محاکمه به قدر اجرای تحقیقاته صلاحیتی اولدیغندن کندوسنک بو بایده طلبه حقی درکار بولندیغنی و بناء علیه موکلی شا کر اسکی زوجه سی کلزار خانمک اوزرینه الفته کروهندن بریله ازدواج ایتدیکی جهته مز بوره کلزار خانمک دیکر لرندن زیاده مرقوم شا کره مغبر اوله جغنی طبیعی بولندیغندن کرچه بوقلیرنلکک حقیقی اولمش اولسه مز بوره کلزار خانمک دخی اخبار ایتیمی لازم کلوب حالبوکه مز بوره قلب

اچه اعمال اولنديغى بيان اولنان خانه به كنديسنك
 خسته لىكندن ناشى زوجى شاكرك بر دفعه صباحين
 كلديكنى سويلسنه و كوروكى بيان خايم ونسبم
 ابتدا پوليس دائره سنده موكلى شاكركى طابيدقلىرىنى
 سويلدكلىرى حالده مؤخرأ استنطاق دائره سنده
 كوروكى موكلى شاكرك سپارش ايتديكنى يكدىكرينه
 مخالف اوله رق بيان ايتلرینه واحوال ساره به
 نظراً مرقوم شاكرك بوايشده مدخلى اولديغى
 ثابت اولديغندن براءت ذمتنه و يا خود ادا
 اولنان فعلده قاپر نلك اولوب او بونجقدن
 عبارت بولنديغندن عدم مسؤليتنه و وكيل
 كسار بدي افندي دخى موكلى راشد ايشك
 برادرى شاكرك عليهنده مرتب اولديغى ميدانه
 قويدغندن و روش حال و تحقيقات دخى بونده
 داعى مسؤليت بر حال اولديغى كوسترديكندن
 شو حالده موكلى راشد كده براءت و يا خود عدم
 مسؤليتنه و وكيل صبجى بك دخى راشد كى
 موكللى حسنى و رضا دخى اقرار ايتيش اولسه لر
 مادامكه جرم ميدانده در وجودينى احما ابد ميه
 جكرك بى و انجق موكللى مرقوم شاكرك
 اتفاقنه داخل اولدقلىرى حالده مؤخرأ اصولى

دائره سنده حكومه اخبار كيفيت ايلدكلىرى
 كندولر يده بوايشده ذم دخل اولدقلىرى بى اقرار
 ايتسه لر بيله قانوناً معاف اولدقلىرى و شو حالده
 قصيار افنديك افاده سى مثللو ايشده جرم يوق
 ايسه موكلر نيك دخى عدم مسؤليت رينه و جرم
 و ارايسه قانوناً مخبر اولدقلىرى جهته معافيت رينه
 قرار و برلسنى طلب و درميان ايتلر بيله و لدى
 السؤال طرفينك بشقه ديه جكركى اولديغى
 اكلا شمله محامه نك ختام بولديغى و اقسام
 اولق مناسبيله مذاكره نك يوم آخرده بالا جرا
 تفهيم ايديله جكى بيان قلندي .

ضبط سابقده كوسترديكى اوزره مذاكره
 كيفيت اولنه جق ايديسه ده اعضامى محكمه دن
 توفيق بك كيفى نلديكندن طولايى تاخير ايديشيدى
 بوكره توفيق بك وفات ايدوب و تحسین افنديك
 دخى خسته لىكنك امتداد ايلسى اوزرينه اوچوز
 يدى سنه سى رمضان شريف نك اون التجبى كوتى
 مهمون مرقوموندى شاكرك اصولاً توفيقخانه دن
 و راشد و حسنى و رضا دخى محل اقامتلرندن جلب
 اولدقلىرى شاكرك و كلبى قصيار افندي و حسنى

ورضائك و كيلارى صبجى بك موجود ايسه دلرده
 راشدك و كلبى كسار بدي افندي كلديكى جهته
 رينه مرقوم راشد موافقتيله و كيل تعيين قلنسان
 ختطر سيمون افندي مرقومونك يانلرنده اولدقلىرى
 و استيناف مدعى عمومى معاونلرندن حقى بك دخى
 حاضر بولنديغى حالده هيئت محكمه نك بروجه
 محرر قسماً تبدلندن ناشى محامه او طه سنه
 چيقيله رق ضبط سابق علناً قرائتله تكميل
 ايتدبره جكرك برشى اولوب اولديغى طرفينندن
 سؤال اولدقنده تكميل اولنه جق بر جهت
 اولديغى سويلدكلىرى صرمده شاكرك و كلبى
 قصيار افندي موكلنك بى جرم اولديغنه دائر
 دلائل جديده به دسترس اولنديغى بيان و معاون
 مومى اليه دخى محامه ختام بولديغى جهته ارتق
 اساس ماده اوزرينه افادانده بولمق ختام بولم
 اولان محامه بى اخلاص ايديه جكنى ايتيان ايتلر بيله
 لدى المذاكره معاون مومى اليه ك مطالعه سى بجا
 اولديغنه دائر و يريلان قرار تفهيم اولسه رق
 مذاكره او طه سنه كلندي .

طرفينك و مدافعاتك استماعندن و اوراق
 موجودنك مطالعه و تدقيقندن صكره ايجاب
 كيفيت لدى المذاكره تفصيلات مسروده دن مستبان

اولديغى وجهله جريان ايدن محامات و تدقيقات
 نتيجه سنده حاصل اولان احوال ضبطيه نظارتندن
 و يريلان امر نجر بى اوزرينه متهملك بولنديغى
 خانه قپوسنى مفتاح ايله اچهرق بالدخول مطبخ
 قپوسنك ارالغندن باقدقلىرى شاكرك دستكاه
 باشنده چامور بوغور مقده و حسنينك كوروكى
 چكوب راشد و رضائك دخى يانلرنده بولندقلىرىنى
 بالمشاهده مرقومونى ط و نديقلىرى و لدى التحرى
 شاكرك اوزرنده بكرمى عدد قلب غروشلق
 ظهور ايتديكى و راق اوزرنده دخى سكر چار بك
 ايله برمجيدى و ايكي غروش بولندقلىرى و او جافده
 دخى معدنك پوته ايچنده قاينا قده ايدوكنى كور
 دكلىرى پوليس قوميسرى ضيا و افرادن احد
 و محمد على و كاظم و فوزى افنديلر طرفلرندن
 و راشد و حسنى و رضائك مراجعتلرینه مبنى
 ضبطيه ناظرى بك افندي حضرتلرینه عرض
 كيفيتله بر يورلدى الديغى و مؤخرأ راشدندن
 قرداشكده نيچون بويله شى ياپدك دبو سؤالنده
 سن بيازسك خائدر ديديكى و اخبار به نامه
 كندوسى رضايه پاره و برمديكى دخى تجارندن
 حاجى اوليا افندي جانندن حصه و محكمه ده
 مع القسم خبر و برلسنى و كوروكى اصمار ليوب اون
 غروش بى و برن شخصك شاكرك و تيش غروش

ایده جگرینی حس ایله لاجل المدافعه رافده بولنان
 طباقده کی قومی قاریشدردیغی بیانیله تأویله
 قالمیشی و کوروی اولجه نسیم و خایم اصماری
 مرقوم شاکر قلیزنگ مادده سندن بیخبر اولدیغی
 ایجاب ایتدیرمیوب اشبواقده سی ثم تدارک اولغله
 برابر بولردن حسنینک راشدا ایله باجناح و جله سی
 همشهری اولماری و راشدک بوکره وقوع بولان
 اقرارینه نظراً بیلنلنده عداوت موجود بولمیشی
 و خانیه رضا تدارک ایدوب حاجی اولیا اقدی
 معرفتیه بو باده برده بیوردی استحصال اولمیشی
 و بویه قلیزنگک و یا سرقت ماده لرده متعدد
 فاعلرک ایچندن بریمی اظهار ندامتله حکومته
 عرض معلومات ایتسنک و قومی مسلم اولوب

مابعدی وار

بالاعطا کوروی الان آدمک دخی حسنی اولد -
 قلیزنی نسیم و خایمک کذلک یمین ایله اخبار
 ایتلری و قلیزنگک وقوع بولان خانه شاکرک
 اولکی زوجه سی کلزار خانم ایله برادری متهم لردن
 راشدک ساکن اولد قلیزنی خانه اولوب مرقوم
 شاکر دیگر برقادین ایله دخی ازدواج ایتسنه
 و اولکی زوجه سنه باقامتده بولمسنه مینی مزبور
 کلزار خانمکی کیفیت اولدیغی بیانیله شاکر او
 خانه یه جلب ایدلرکن صکره خانه ننگ باصلدیغی
 و توقیفخانه ده حسنینک چیلدیردیغی سوزینک
 ایشیدلمسی اوزرینه راشدک کوردکی انسان فصل
 بولور بواشی بز برادریه غرضاً یایدق بددیکی
 دخی مدافعه شاهدلرینک جله اخبار اتندن
 اولسی و بوندن ماعدا مرقوموندن راشد برادری
 شاکر ایله بیلنلنده اولان خصومت و حکومت
 سنه دن نائل مکافاة اولق مقصدینه مینی مرقومه
 اشبو قلیزنگک فعلنی رضا و حسنی ایله بالاتفاق
 اسناد ایتدکر بنی حضور محکمه ده اقرار ایتسی
 و حسنینده اثر جنیت اولدیغنک باراپورت بیان
 قلمسی ماده لرندن عبارت اولوب فی الواقع
 مرقومونک حین دردستلرنده شاکر اوزریندن
 قلب ایچیه ظهوری والیری چامورله بولاشیق
 اولوب بونیده دیگر لرینک کندوسنه رفتالق

اعلان

تجارخانه وزنه داری سابق متوفی فیضی
 اقدینک درسمادت بدایت محکمه سی ایکنجی
 حقوق دائره سندن ویریلان برقطعه اعلام و جینجه
 مالیه خزیننه جلیله سنه دینی بولنان مبالغت تأمین
 استیفاسیچون تحت ججزه الدیریلان و اقدینک
 مومی الیهک عهده تصرفنده بولنان قوم مقبوره
 قزغانی سعدی محله سنده بطریقخانه زقاغنده کاش
 نخمیناً و تربیعاً یتیش سکر ارشون التی پارمق
 عرصه اوزرینه مینی فوقانی و تحتانی درت اوطه
 و مشتملات سائرینی حاوی اون نومرولی بر باب
 خانه ننگ تمامی ایله قندیلی قریه سنده قبرستان
 جاده سنده اون طقوز نومرولی بر باب کوشکی
 و تخمیناً قرق دونمی حاوی ترلانک تمامی تاریخ
 اعلاندن اعتباراً اون بش کون صکره بالمزایده
 فروخته تشبث اولنه جینی درسمادت اعلامات
 نظامیه اجرا دائره سندن اعلان اولنور.

فی ۱۴ مایس سنه ۳۰۶

شیخ جدی اقدینک درسمادت بدایت
 محکمه سی برنجی حقوق دائره سندن صادر اولان
 فی ۲۲ تشرین ثانی سنه ۳۰۵ تاریخلی اعلام
 موجبجه متولیه امینه عصمت خانم ذمتنده
 الاجنی اولان مبالغ معلومه ننگ تأمین استیفاسی
 ضمنده تحت ججزه انسان اسکدارده قره داود
 پاشا محله سنده قره جه احد جاده سنده واقع ذکور
 و اناثه مخصوص دروننده صغوق و صیحاقل حلوتله
 یکریمی ایکی موصلق و درت ابدستخانه و بر
 جامکان و بر اوطه و بر چاشور قفسی و بر قهوه
 اوجاغی و بشیوز الی آرشون مقدراری اودونلق
 و بر کبیر طولابلی بوستان قیوسی و بر صوخزبنه سی
 و فوقانی و تحتانی اخشاب التی اوطه بی شامل
 یوز الی نومرولی بر باب چیفته کبیر جام ایله
 مشتملاتندن اولوب تختنده واقع مکرر یوز الی
 بش نومرولی بر باب دکان و ایکی بودرومک
 سکر حصه اعتبار یله مومی البهانک متصرفه
 اولدیغی بر حصه سنک نصیفی مزایده اولنه رقی لیرای
 عثمانی یوز غروش حسابیه بدی بیک سکر یوز
 غروشه طالبی عهده سنده تقرر ایتیش اولدیغندن
 بوندن زیاده یعنی یوزده بش ضمیمه شرایه
 طالب اولنلرک تاریخ اعلاندن اعتباراً اوتوز بر
 کونه قدر ایچله ریله برابر درسمادت اعلامات
 نظامیه اجرا دائره سنه مراجعت ایتلری ومدت

مذکورک انقضاسندن صکره ضم قبول اولمیه جغی
اعلان اولنور .

فی ۱۱ حزیران سنه ۳۰۶

اصحاب خیراتدن کوتادیه وی زاده مرحوم
محمد عارف افندیك نقود موقوفه سنك متوالیسی
سماحتلو حاجی محمد نوری افندی حضرتلرینك
پایشه فطنت و کریمه سی خدیجه خانلر ذمتنده
قسمت عسکری محکمه سندن و یریلان فی ۱۷
صفر سنه ۹۹ تاریخی برقطعه ادانه جتی
موجبجه الاجغی اولان مبالغ معلومهك تأمین
استیفاسی ضمننده مدیونتان مزبور تانك هده لرنده
اولوب مرهون و فروختی محکوم بولنان اسکدارده
میراخور محله مننده ابازمه اسکله سی زقاغنده واقع
بش نومرو ایله مرقم فوقانی و تحتانی التی او طه

وایکی صغه وایکی ابدستخانه و بر کورلک و بر
خط بلك و اوالتی و بر عدد بئرمائی مشتمل هر
وجهله قوللانلی بر باب ملك منزل اشبو تاریخ
اعلانن اعتباراً اون بش کون صکره فروختنه
تثبت اولنه جغندن طالب اولنلرک پی سورمک
و بوندن دهها زیاده معلومات التی ایستقباتلرک
مدت مذ کوره ختامندن صکره در سعادت اعلامات
شرعیه اجرا دأره سنه مراجعت ایلمری دأره
مذ کوره دن اعلان اولنور .

فی ۱۳ حزیران سنه ۳۰۶